

# «2016 ԹՎԱԿԱՆԻ ՀՀ ՄԱՐԴԿԱՅԻՆ ՌԵՍՈՒՐՍՆԵՐԻ ԼԱՎԱԳՈՒՅՆ ԿԱՌԱՎԱՐԻՉ»

## ՄՐՑՈՒՅԹԻ 7-ՐԴ ՇՐՋԱՆ

### II ՓՈՒԼ

«2016թ. ՀՀ մարդկային ռեսուրսների լավագույն կառավարիչ» անվանակարգում հայտարարված մրցույթի երկրորդ փուլին ներկայացվում է մեկ հարցաշար, հոգեմտածողությանը վերաբերող մեկ առաջադրանք և ուշադրություն՝ նորություն է՝ «Հակասությունների բացահայտում» խորագրով մեկ հարց:

Հարցաշարի հարցերի ճիշտ պատասխանները գնահատվում են յուրաքանչյուրը 2 միավոր, սխալ պատասխանը՝ 0 միավոր: Հարցաշարի առավելագույն միավորների թիվը կազմում է 10 միավոր:

Հոգեմտածողությանը վերաբերող առաջադրանքի պատասխանը, որը կհամընկնի Նոբելյան մրցանակի դափնեկրի կողմից առաջադրված հարցի պատասխան հետ կգնահատվի 5 միավոր՝ չհամընկնելու դեպքում 0 միավոր:

«Հակասությունների բացահայտում» խորագրի ներքո հետայսու կներկայացվեն ՀՀ աշխատանքային օրենսդրության մեջ առկա հակասությունների, բացթողումների վերաբերյալ հարցեր, որոնցով կստուգվի մրցույթի մասնակիցների օրենսդրության իմացության, համակարգային մտածողության ունակությունները և բացահայտված իրական թերությունների հիման վրա կպատրաստվի առաջարկություններ՝ ՀՀ աշխատանքային օրենսդրության մեջ փոփոխություններ կատարելու համար:

Այս խորագրում բացահայտված յուրաքանչյուր հակասություն կամ թերություն կգնահատվի 15 միավոր:

Հարցաշարի և խնդրի ընդհանուր միավորների թիվը կազմում է 30 միավոր:

Հարցաշարից, հոգեմտածողության առաջադրանքից և «Հակասությունների բացահայտում»-ից առավել բարձր միավոր հավաքած մասնակիցների անունը, ազգանունը, միավորների թիվը (աճման կարգով) կտպագրվի ամսագրի հաջորդ համարներում, որպեսզի յուրաքանչյուր ընթերցող նույնպես մասնակիցը դառնա հաղթողի որոշման գործընթացին:

Ստորև ներկայացվող հարցաշարի, հոգեմտածողության առաջադրանքի և «Հակասությունների բացահայտում»-ի պատասխաններն ուղարկել [press@gortsq.am](mailto:press@gortsq.am) էլեկտրոնային հասցեին մինչև 2016 թվականի մայիսի 24-ը: Հարցաշարի և խնդրի ճիշտ պատասխանները կտեղադրվեն [www.gortsq.am](http://www.gortsq.am) կայքէջում՝ 2016 թվականի մայիսի 25-ին:

**ՌԵԿՄԵՆԴԱԿՆԵՐՆԵՐ** – Մրցանակաբաշխությունը, պատվոգիր, HR-ի միջազգային խորհրդանիշով ոսկեպատ շքանշան և վկայական հանձնելու արարողությունը տեղի կունենա 2017 թվականի փետրվարին՝ Ծաղկածորում:

# «2016Թ.ՄԱՐԴԿԱՅԻՆ ՌԵՍՈՒՐՍՆԵՐԻ ԼԱՎԱԳՈՒՅՆ ԿԱՌԱՎԱՐԻՉ»

## ՄՐՑՈՒՅԹԻ ԸՆՏՐԱԿԱՆ II ՓՈՒԼԻ

### ՀԱՐՑԱՇԱՐԸ

1. Ո՞ր դեպքում աշխատողին աշխատանքից ազատելը չի ձևակերպվում գործատուի հրամանով:

Պատասխան – ֆիզիկական անձ գործատուի մահվան դեպքում:

2. Փորձաշրջանում գտնվող անորոշ ժամկետով կնքված աշխատանքային պայմանագրով աշխատողը փորձաշրջանի ընթացիկ արդյունքներով առաջադրված պահանջներին չհամապատասխանելու հիմքով ստացել է ծանուցում՝ երեք օր հետո աշխատանքից ազատվելու մասին: Եթե հաջորդ օրն աշխատողը գործատուին ներկայացնի հղիության և ծննդաբերության պատճառով առաջացած ժամանակավոր անաշխատունակության թերթիկ, ապա՝

ա) գործատուն պարտավոր է աշխատողին տրամադրել հղիության և ծննդաբերության արձակուրդ և նշանակել մայրության նպաստ.

բ) գործատուն աշխատողին չի կարող տրամադրել հղիության և ծննդաբերության արձակուրդ և նշանակել մայրության նպաստ, քանի որ կողմերը նախապես տեղեկացված են եղել աշխատանքային պայմանագիրը երեք օր հետո լուծվելու մասին.

գ) գործատուն պարտավոր է աշխատողին տրամադրել հղիության և ծննդաբերության արձակուրդ և նշանակել մայրության նպաստ՝ մինչև ծանուցմամբ նշված աշխատանքից ազատման օրը:

3. Անհատ ձեռնարկատերը պարտավոր է յուրաքանչյուր աշխատանքային տարում իրեն տրամադրի ամենամյա արձակուրդ՝

ա) այդ պարտավոր է, քանի որ ՀՀ Սահմանադրությամբ յուրաքանչյուր ոչ ունի հանգստի իրավունք.

բ) բացի ՀՀ Սահմանադրությամբ իրեն վերապահված ամենամյա արձակուրդի իրավունքից այդ հարցը կարգավորվում է նաև ՀՀ աշխատանքային օրենսգրքով և աշխատանքի իրավունքի այլ իրավական ակտերով.

գ) նման պարտավորություն անհատ ձեռնարկատերը չունի:

4. Ո՞ր դեպքում տեղափոխված ամենամյա արձակուրդը 18 ամսվա ընթացքում չտրամադրելը կհամարվի օրինական:

Պատասխան – նպատակային արձակուրդի իրավունք ունենալու դեպքում:

5. Քաղաքացիաիրավական պայմանագրով ծառայություն մատուցողին պատվիրատուն կարո՞ղ է ուղարկել գործուղման:

Պատասխան - Այո կարող է և այդ հնարավորությունը նախատեսված է ՀՀ կառավարության 1998 թվականի նոյեմբերի 27-ի N 753 որոշման 3-րդ մասի «ը<sup>1</sup>» ենթակետով:

**«2015Թ.ՄԱՐԴԿԱՅԻՆ ՌԵՍՈՒՐՍՆԵՐԻ ԼԱՎԱԳՈՒՅՆ ԿԱՌԱՎԱՐԻՉ»**

**ՄՐՑՈՒՅԹԻ ԸՆՏՐԱԿԱՆ II ՓՈՒԼ**

**«ՀԱՎԱՍՏՈՒԹՅՈՒՆՆԵՐԻ ԲԱՑԱՀԱՅՏՈՒՄ» ԵՎ ՊԱՏԱՍԽԱՆԸ**

Քննարկման հարթակում է գտնվում ՀՀ աշխատանքային օրենսգրքի 164-րդ հոդվածը: Նրա և ՀՀ աշխատանքային օրենսգրքի 18-րդ գլխում առկա մյուս հոդվածների փոխկապակցված վերլուծությամբ բացահայտեք հակասությունը:

**Պատասխան** – ՀՀ աշխատանքային օրենսգրքի 158-րդ հոդվածը սահմանում է ամենամյա արձակուրդ հասկացությունը և տեսակները, 159-րդ, 160-րդ, 161-րդ և մանավանդ 162-րդ հոդվածները սահմանում են ամենամյա արձակուրդի տևողությունները: Մինչդեռ ամենամյա արձակուրդ տրամադրելու կարգը սահմանող ՀՀ աշխատանքային օրենսգրքի 164-րդ հոդվածը առանձին դեպքում նույնպես անդրադառնում է հոդվածի անվանմանը ոչ ներհատուկ այնպիսի դրույթների և պարբերությունների, որոնցով սահմանվում է ամենամյա արձակուրդի նոր տևողություն, ընդ որում այդ տևողությունը որևէ տրամաբանական կապով կապված չէ նվազագույն, լրացուցիչ և երկարացված ամենամյա արձակուրդի տևողությունների հետ, և անգամ, առանձին դեպքերում, կարող է դրանց տևողությանը գերազանցել մի քանի անգամ: Փաստորեն, ՀՀ աշխատանքային օրենսգրքի 164-րդ հոդվածի 7-րդ մասը մեջբերում են. «առանց աշխատանքից կտրվելու սովորող աշխատողների ամենամյա արձակուրդը իրենց ցանկությամբ տրամադրվում է քննությունների, ստուգաբանների, դիպլոմային աշխատանքների նախապատրաստման, լաբորատոր աշխատանքների կատարման ժամկետներին համապատասխան» մասը, մեր կարծիքով իր տեղում չէ և այն լիովին կարող է տեղավորվել ՀՀ աշխատանքային օրենսգրքի 158-162 հոդվածներից որևէ մեկում:

**Ուշադրություն** - այս կարծիքը միակը չէ: Դուք կարող եք բացահայտած լինել նաև այլ հակասություններ: Այդպիսիները հավասարապես կգնահատվեն որպես ճիշտ պատասխան:

**«2015Թ.ՄԱՐԴԿԱՅԻՆ ՌԵՍՈՒՐՍՆԵՐԻ ԼԱՎԱԳՈՒՅՆ ԿԱՌԱՎԱՐԻՉ»**

**ՄՐՑՈՒՅԹԻ ԸՆՏՐԱԿԱՆ II ՓՈՒԼԻ**

**ՀՈԳԵՍՏԱԾՈՂՈՒԹՅԱՆ ԹԵՍՏԱՅԻՆ ԱՌԱՋԱԴՐԱՆՔԸ ԵՎ ՊԱՏԱՍԽԱՆԸ**

Որ տարիքային խմբում է կյանքն ավելի արագ անցնում` 1-10 տարեկանների, թե 70 տարեկանից բարձր տարիք ունեցող անձանց շրջանում:

**Պատասխան**` 1-10 տարեկան երեխաների մոտ կյանքն ավելի արագ է անցնում, քանի որ`

ա) հոգեբաններն ասում են, որ մարդու տարիքն այնքան է, որքան նա իրեն հիշում է: Մարդկանց մեծ մասը իրենց հիշում են 2 տարեկանից հետո, ուստի այս տարիքային խմբում առնվազն երկու տարով կյանքն ավելի արագ է անցնում, քան մյուս տարիքի մարդկանց մոտ,

բ) 1-10 տարեկան երեխաները ավելի երկար են քնում, քան 70-ից բարձր տարիք ունեցողները, հետևաբար նրանց «կյանքի տևողությունը» ավելի կարճ է, քան ավելի կարճ քնող ծերունիները:

գ) 1-10 տարեկան երեխաների մոտ մեծ է տարիքով երևալու և մեծանալու ձգտումը և հաճախ ուշադրություն չեն դարձնում կյանքի, օրվա առանձին դեպքերի և մանրամասնությունների վրա, ինչը արագացնում է նրանց կյանքի տեմպը, մինչդեռ 70-ից բարձր տարիք ունեցողներն առավել հաճախ են ուշադրություն դարձնում կենսաղային մանրուքների վրա: